

國學基
本叢書 文山先生全集 中



書叢本基學國
集全生先山文
(中)
著祥天文

行發館書印務商

文山先生全集卷之七

啓

上權郡陳通判高謝解

是邦大夫賢者，聿新道藝之賓興。吾黨小子斐然，得遇功名之主宰。僧彌出法護之右，越石居楚金之先。人羨二難已，叢百媿竊惟。奎開我宋，箕壽斯文。堯叟以壯歲擎魁，堯咨爲之接武。子由以弱冠登第，子瞻至於聯芳。孫何齊孫僅之名，宋祈遜宋郊之榜。韓家閥閱，吳氏簪纓，皆一時兄弟之傑然。乃我朝科目之盛者，甲於江右。未若廬陵名耀，帖金以一門而五董。筆香檀墨，不十歲而七劉。或踵接於童科，或肩摩於胄監。耀煌簡冊，雜還衣冠。至今文水仁山，猶想流風遺俗。雖巫步亦期似禹，然賜賢何敢望回。如某者，技等飛鼯，才長縮蚓。故家喬木，借秭歸舊峽之陰。官錄雲萍，分白鷺餘波之潤。勘皇祐榜帖，久寒石室青氊。閱癸丑狀頭，曾入本心墨譜。恐負前人之弓冶，勉爲今日之箕裘。有嚴君焉，睡棄萬年之諂味。難爲弟者，誓齊兩到之英聲。故唯諾怡愉之間，皆切磋琢磨之地。晨窻花露，滴乾硯眼之鴟。夜帳木油，剔盡按頭之蠹。以孝弟忠信爲實地，以功名富貴爲飄風。非六六餘子之儔，有飄飄凌雲之氣。自染指時文之鼎，卽梯身季考之階。愈出愈奇，頗類黃絹外孫之蠶白。屢選屢中，幾成翰林學士之葫蘆。遂令伯氏吹埙，仲氏吹

箠過辱庖人繼肉廩人繼粟方嗟雌伏未遂雄飛適槐粟之揉黃偕棣華而拈采擲番骰子同擎喝六之籌彎起弓弦共上中紅之垛天開雙眼地放一頭渴睡漢平白解嘲揶揄鬼分明束首二旬賜第皆以沈內翰相期十八奏名僉謂劉學士可繼使小子自此升矣皆先生進而教之茲蓋恭遇某官秀孕天台英蜚帝學萬乘器可檠唐柱五色線要補舜裳器古罍於益盎之中韻黃鍾於雜優之地一從分刺名雖沂郡之王祥兩屈護麾實則潁川之黃霸斯民廣廈吾道泰山螺川醉多旨之春風燕寢樂近民之暇日政安赤子解弄挺之亂繩兵撫清人戢攘斂之橫蘖雖借我二天之有幸恐尹京五日以趣還茲以題輿委至若豆箕之朽質亦該花帖之榮恩是宜拂楮雪以牋誠候屏星而布謝誓當鞭策不負揄揚諒之勸駕大賢何所不容知孺子尙或可教晉公得二俊才士不無汗赭於前脩古靈薦三十餘人尙冀牙紳於後進

上倉守李愛梅謝解

執鞭而御於君風裁久欽司隸推轂而輦其正天人幸遇翰林欲借方寸地吐氣而言敢操盈尺紙循廊而進切謂烏河陽方司鎮鉞石生隨就禮羅王豫章未下使車荀爽已騰辟列蓋人非卞和玉闕石竅而世無伯樂駒困鹽車必假先容乃梯後進切念某築非魯客材僅莊林自垂髫逮二十年知肄業爲第一事家庭自爲庠序要祖廬江興學之風文字懶傍門墻惟準石室立言之法遙睇故家之木勉爲良治之

弓子玉應而父金春伯墳唱而仲冕和夜按剪燈帳幾成墨凍窓呵筆火不思爐每因染教於芹香屢獲聯輝於萼集角能戰蟻占序榜龜朋社陽秋過許洛中之陸鄉評月旦謂非吳下之蒙曩踏黃槐聊窺班管合三萬餘於圍棘爭六十八之帖花如小子者車載斗量況有司之沙披石汰誰謂燭几駒窓之際遽蒙黃鍾罍洗之褒風健鵠披騰北海一雙之鶚雲橫鴈翅搏漆園九萬之鵬必侍郎擅筆噓而送之則進士虎榜自此升矣茲蓋恭遇某官百梅風格八桂雲仍羅哈門兵甲於胸中漱淮水淵源於筆下風檣陣馬不足爲勇長吉之文章景星鳳凰快觀爭先王濬之名望早躋顯第徧歷要途嘗膺北闕之詔綸出領西江之衣繡兒童猶誦君實野老皆識元城惟虎城舊治嘗屈典麾故螺水重來又新持節蘇疲民於恩露清奸吏於壺冰坐念鉛爲銛跖爲廉安有書如絲官如眊燦連檣粧執樂舊句重賡縉闕庫粟埋梁新謠繼作茲屈皇華之使就延鳴鹿之賓某忝以釜箕玷茲玉筭敢不淬庖人之刃誓無荒陸氏之莊云云

賀吳丞相革

再登鉉路首冠鈞庭以進士爲名臣兩朝倚重以儒宗爲宰相四海具瞻天啓聖衷國有生氣某官洪深而肅括光大而直方喬嶽泰山微細悉歸於涵育青天白日奴隸皆知其清明頃天子以爲股肱舉海內望其風采霖雨未浹而收歛神功泰階未平而韜闕光耀共惜溫公之歸洛猶期潞國之還朝偃逸藩維久鬱袞繡歸公之望均調鼎味端復鹽梅用汝之司公卿大夫交笏相慶兒童走卒舉手懽呼顧中外不

謀同辭。在今古未始多見。斯人之望既切。賢者之責方新。維今言路之不通。最爲天下之大弊。縉紳以開口爲諱事。城闕以游談爲危機。如人一家。情睽離而衆侮起。如人四體。氣壅底而百病生。多故之由。一類諸此。抨更子改。柁轉舟移。惟從衆謀。可以合天心。惟廣忠益。可以布公道。盡解羣疑。衆難之會。克有榮名。成功之休。其惟我公。望在今日。某瞻依有素。慕戀惟深。適造闕以戒嚴。聞揚庭而增抃。以書上光範。先伸賀廈之私。於人見歐陽。行展摶衣之敬。其爲懇切。固旣敷宣。

謝吳丞相

渙號揚庭。方慶昭文之命。蒙恩詣闕。適修進士之恭。喜當風雲際會之秋。得固天日照臨之下。輒陳短淺。爰叩高明。伏念某才不逾人。學未聞道。雖家庭唯諾之教。勤欲行其本心。然山林朴野之資。知無補於當世。頃得備地官之貢。遂及登天子之庭。一第策名。既有慚於負乘。三年讀禮。幾無意於驅馳。宸命光華。自天而下。聖恩廣大。如海斯涵。遂令參京兆之謀。仍許奉團司之表。靖循饒冒。端出庇存。載冊戒行。將下天威之拜。彈冠稱慶。遽傳公袞之歸。重惟柳氏之碑。曾辱燕公之筆。讀聖王偏親之語。佩教方新。仰先生長者之風。銘恩莫報。矧復更新於弦轍。自今密邇於鈞陶。喜如其辭。有莫能贊。茲蓋恭遇某官兩朝舊德。一代偉人。金鼎調元。曾接沂公之轍。玉龍擎重。再持忠憲之鈞。屬逢當軸之初。與有得興之慶。某敢不勉攄素學。圖報明時。仰台宿之麗天。旣近輝光之照。占赤雲而赴幕。尙依覆燭之仁。

先生之父革齋先生墓誌銘。乃江古心撰。履齋題蓋。道體堂書。

謝丞相除秘書省正字日

竊祿叢祠方重素餐之媿。備員蓬館遽叨黃紙之除。由大鈞之無垠。故小子之有造。輒攬短淺。庸瀆高深。伏念某。大江以西。一介之下。幼蒙家庭之訓。每欲行其本心。長讀聖賢之書。初何補於當世。從事一研。起身諸生。偶遭際於聖明。獲僥逾於科第。君恩天大。若爲報稱之圖。流俗波頽。常有激昂之志。當前年之赴闈。適強寇之臨江。親見主憂之時。不勝臣辱之義。陳師江濱。悵無一障。以宣勞奏疏公車。倘冀九重之易聽。奔命而歸田里。舉目而盡干戈。江迴川平。非賴整頓乾坤之手。糜沸雲擾。幾無戴履天地之身。骨肉幸全於山林。頂踵皆歸於造化。琳宮香火。揆始分而已逾石室詩書。尋初心而未究。敢圖菲采。獲備茹連。使當登崇俊良之時。而秉校讐圖籍之筆。賢人在內。幸無正朋。字之譏。世運方平。雅有讀秘書之暇。顧茲甚寵。非所宜蒙。有懷負乘之慚。無任循牆之懼。使之得進退之正。所以報知遇之隆。茲蓋恭遇某官勳在王家。澤被天下。圭瓊秬鬯。侈召伯之來。宣袞衣繡裳。大周公之歸相。旣仗笞箠而定大難。將興禮樂而開太平。遂使乾清坤夷之餘。轉爲小往大來之會。至如公選。亦及凡材。某敢不勉企前修。恪持素節。彥博未至堂上。已先蒙許國之知器。之既入館中。當不辱溫公之薦。其爲懇惄。罔旣敷陳。

謝皮樞密龍榮

領香火於祠宮。幸書下考校丹鉛於冊府。誤玷中除。由泰階六符之光。爲廣廈萬間之地。輒裁牘記。仰謝鈞慈。切以登羣玉山。夙號麒麟之勝。持三寸筆。將刊魚豕之訛。是爲朝露之清班。必極人材之公選。我聞在昔。公惟其人。晏殊之學問。楊億之文章。仲淹之聲名。器之之氣節。苟非其類。不在此科。伏念某。學不知方。仕未能信。尋千年之蠹簡。早慕伊顏。得一第之鵠梁。終慚晁董。深考國家之典。每由館閣之途。知負乘之懷慚。恐顛躉之速咎。故方筮仕已卽丐祠。尙口乃窮。頗愛山深而林密。觀顧自養。徒羣月費以歲糜。敢圖楓陛之疏恩。俾處蘭臺而正字。正恐不免耳。其何以堪之。靖循僥冒之由。端出陶成之辱。茲蓋伏遇某官。清朝良弼。名世大才。燮贊化原。大尊主庇民之道。均調皇極。普薦賢報國之心。遂使疏庸與叨拔擢。某敢不恪持素節。勉企前修。讀木天汗漫之書。尙求指教。陪丹地深嚴之幄。何幸身親懇悃。采深敷宣。罔旣。

謝何樞密夢然

范質傳衣。曾侈和公之遇。仲淹入館。復蒙元獻之知。使諸公而與同升。豈門生而不知報。輒伸下憫。庸叩中樞。伏念某石室孤寒。青原落魄。幼被家庭之訓。頗欲得其本心。長讀聖賢之書。初無補於當世。從事一研。起身諸生。偶持觚翰於南宮。獲遇鑑衡於北面。鸞鳳杞梓。舉集權公之門。款段駕駘。誤登伯樂之厩。名姓雖塵於函丈。足迹未造於仞牆。山斗之望彌久。而彌穹。畎畝之蹤愈疎。而愈隔。閉門自守。知尙口之乃窮。遜世無求。惟觀頤而自養。凡竊祿奉祠之日。皆省身念咎之時。承明之廬。著作之庭。未嘗思想寂寞之

濱寬閑之野。遽拜寵光。胡爲乎來哉。是有其故矣。想木天之清峻。望丹地以凌兢。顧非麒麟鸞鷟之英。其如亥豕魯魚之謬。深有慚於負乘。敢自己於循墻。茲蓋恭遇某官名世鉅公。清朝良弼。持樞贊化。共調傅鼎之梅。報國薦賢。不種狹門之李。遂令公選亦及凡材。某敢不勉企前修。恪持素節。就中書而見座主。將求一介之先容。以進士而爲名臣。尙賴終身之保任。

謝江樞密萬里

領祠宮之香火。敢望彈冠。掌冊苑之丹鉛。誤蒙推轂。薦非由於識。面事真可以語人。頂踵銜私。額手奏記。切以觀遠。臣以所主孟子。予以言進退之閑。遇大賢而相知。韓公以爲遭逢之盛。蓋受恩非天下之所少。而知已得君子之爲難。乃若初無左右之先容。獨受門墻之隆遇。以古道之相與。尤人生之至榮。伏念某才不逾人。學未聞道。雖家庭疇昔之教。動欲行其本心。然山林朴野之資。知無補於當世。執經而後承恩以來。念景行在四海之達尊。而科第非終身之能事。頗欲自拔於常人之類。庶幾無負於上帝之衷。頃趨闕下之時。適際江干之警。主憂臣辱。念我生之不時。外阻內訌。繫禍至之無日。因撫躬而思奮。遂投輒而獻言。當時破腦而剖心。何啻焦頭而爛額。有倉卒等死之慮。無毫髮近名之心。六太息之陳。豈曰賈生少年之過。三十字之獻。幸寬郇模東市之誅。逮時事之旣平。滋人言之無據。小體者戒其失措。好事者高其得名。痛痒無知者。以文采爲賢。操挾不正者。以譁競爲議。匪躬之故。俱莫諒於初心。尙口乃窮。嗟難行於直

道既奉祠而竊祿。顓閉門而讀書。未可與俗人言。姑盡吾分內事。不謂見知於長者。遂勤延譽於諸公。承明之廬。著作之庭。未嘗夢想寂寥之濱。寬閑之野。遽沐寵光。非華袞有一字之褒。何弊帚增千金之重。雖深慚於負乘。然幸出於鈞陶。永堅乃心。欲報之德。茲蓋伏遇某官。清朝碩輔。昭代真儒。胸中括石渠。東觀之藏。海內仰天球河圖之瑞。唯世道深屬我公。整頓乾坤。共屹江流之柱。獻納日月。入旋斗極之樞。非徒耀不世之功名。將有意太平之禮樂。凡今小往大來之會。多出前推後輓之功。遂使疎庸例叨拔擢。某敢不力持素節。勉企前修。稱彥博於都堂。幸借郇公之譽。薦仲淹於館職。敢忘元獻之知。

賀江左相

大老造朝。元臺正席。歸公有袞繡。我來自東。用汝作鹽梅。王置諸左。三台明概。八表清夷。洪惟我朝相業之隆。莫如元祐家法之懿。潞公平章軍國司馬實位昭文正獻議論廟堂。微仲嘗升左轄。或以學術真純而輔君德。或以人物直諒而當帝心。續遺響於先秦兩漢之前。文章鉅麗挺雄姿於黃河泰山之上。器量崇深。此自古之難兼。蓋於今而獨見。其惟某官行關百聖。名塞兩間。於前輩人期之以伊尹。傳說今從學者。尊之如韓愈孟軻。尚論公之平生。有報國之大節。以君子不用爲我恥。以小人未退爲已憂。童兒婦女。知其血忱。縉紳大夫。想其風采。自其驅馳外服。出入中朝。洛中偃仰之年。江上經營之日。以至贊先皇之大政。參嗣聖之初。元賢與不賢。一言定其可否。用或弗用。四海視以重輕。卓然一時人望之宗。展也三代。

王佐之事屬登庸之伊始。問夢卜以孰賢。朕安得斯人哉。固無踰老臣者。乃申帝指。乃穆師言。金甌覆崔
相之名。銀信趣鄴侯之觀。朝士舉笏相賀。都民遮道聚觀。天子引見以勞歸。東朝出饌以錫宴。遂由政路。
徑秉國鈞。先天下而憂。斯能後天下而樂。有聖人之任。將以行聖人之時。莫難得者。海內相望之深。最罕
遇者。君子氣類之合。方今師維尚父。右舉皋陶。贊襄於都俞之間。寅協於和同之際。鈞無垠而播物。相天
地理。陰陽鼎有足於承君安國家。定社稷。昔講於洙泗者。困道路之厄。而學於河汾者。抱禮樂之慚。道之
行歟。時則可矣。俾我后五三之盛。真吾儒千之一之榮。某猥在山棲。欣逢庭冊。親見上下龍雲之會。豈徒門
闌燕雀之私。陽翟歸耕。回首舊時之學士。徂徠作頌。傾心今日之太平。慶抃情深。刊摩語淺。

馬右相庭鸞號碧梧

紫宸播告。金鉉登崇。歸周公於東方。來大老。舉皋陶於右。復得良臣。九鼎尊安。三靈開懌。自馬服君之著
姓。至伏波氏之封侯。燧進侍中。特超居於外府。璘遷僕射。姑借重於將壇。惟賓王起自書生。在貞觀號爲
真宰。然以草茅之疎遠。出於羈旅之遭逢。未有親拔巍科。素居清望。布衣之極。以一編爲帝師。都門之中。
不十年至相位。於皇盛舉。褒掩前聞。恭惟某官。得聖人之和。抱王佐之學。高山蓄泄。有潤澤萬物之功。太
極渾涵。無運用四時之迹。自顯昂縉紳之日。已雍容廟堂之風。告后惟良。有謀猷則順于外。敬王如我。非
仁義不陳於前。其出處不可瑕疵。其喜怒未嘗形色。龍潛羽翼。栽培不世之風雲。鰐禁絲綸。醞釀後來之

魚水。先帝留之爲宰輔之備。主上待之以師傅之尊。徑邁羣公。徧登兩社。或主東廳之典故。或參西事之經營。鄰侯之跡大奇。安石之名愈重。兩宮明聖。一老辯章既峻。昭文之遷遂正。集賢之拜。朝家用元祐之故事。學館獻慶曆之頌詩。儒者之遇僅有而絕無。天下之望方來而未已。簡淡獨周於事物。晦叔所以有立於潞國司馬之間。忠恕不離於須臾。堯夫所以無媿於正獻微仲之際。前哲之風流未遠。太平之幾會有開。豈特輝簡冊於二百年之前。直將植風聲於千萬世之下。某喜傳鴻字。驚起牛衣。知廊廟之有人。爲國家而增氣。昔通政府無書。或詭於門人。今誦相麻。交賀敢遲於朝士。其爲抃蹈罔旣刊摩。

通章簽書鑑號杭山

茲者恭審漢號明廷。普籌宥府。風生黃道。衛宸殿之凝嚴。星度紫清。煥斗杓之赫奕。真儒無敵。中國有人。竊惟我朝之盛明。最繫君子之翕合。永叔之參兵柄。在魏國位平章之時。堯夫之贊樞庭。當潞公判重事之日。於以笙磬治平之政。於以墳篋元祐之功。若稽前聞。復見今日。恭惟某官。知周而道遠。仁熟而義精。和風甘雨。慶雲備四時之正氣。高山深林。鉅谷名一代之魁人。當屬者爲小官之初。已淵乎有大臣之器。誰起諸國人之謗。我衣而褚之。我田而伍之。公真大丈夫所爲。匪席可卷也。突兀南都之鐵壁。卷舒膝閣之朱簾。在江湖。在朝廷。時人望其大用。爲臺諫。爲侍從。識者恨其已遲。六飛之馬。莊重而不馳。萬斛之舟。舒徐而後進。厥今天助順而人助信。大在廷而細在邊。江漢河水。朝宗載揚我武。夙夜基命。

宥密無競維人。遂升兩社之班。爰贊五兵之本宰。相計安宗社大師時游廟堂。參之以運籌帷幄之神。輔之以折衝樽俎之密。衣冠盛事。具四方巖石之瞻。袞烏一堂。有三公鼎足之勢。迺觀大業不建。隆平某盥耳山棲。傾心廷播。親見天地雲龍之會。非爲門闈燕雀之私。傳江西宗派之圖。敢云入社誦徂徠聖德之句。請繼作歌。抃蹈之深。敷葵則淺。

賀倉守趙編修端齋

俟藩課最。庾節陞華常平專歛散之功。廉察展澄清之志。有識交頸。不謀同辭。恭惟某官璿派清流玉班雅望。早贊樞庭之畫。遄躋府寺之崇。結知前旒。試庸外服。幸甚趙大夫之日來臨。歐六一之鄉廟堂。知其爲循良。田野誦其爲豈弟。二天不啻。兩年於茲。雖明公屢上丐闇之章。而天子正深倚重之眷。爰畀茶鹽之任。聿增麾節之光。鮮于一道福星式快輿情之望。晉公三司真使行膺御札之除。某仰席庇休。倍深欣抃。大廈成而燕賀。敢修奏記之恭。六轡沃而駟馳。實切執鞭之戀。其爲贊慶。罔旣敷宣。

回瑞州羅權府

遙瞻松雪。久羨檗冰簾捲西山。撫輿圖於錦水。書移東里。醒午枕於桐鄉。寵委新編。輝生棄弁。天高地迥。諒碧落之知心。日光月華。看紫微之潤色。謝私何限。嗣敬以陳。

回吉州繆守送端午

端午賜衣漸傅璽。召昌陽薦俎。忽沐珍頒。行人貲然來思。野老爲之驚見。某官心清於水。仁行如春。岐麥詠漁陽。方騰善政。角黍記荆楚。尙念流風。亦分百索之餘。遠及一塵之陋。某倏驚晚晚。良感懃勤。剪綵艾以爲嬉。強酌佳節。對燈花而作報。多謝故人。

同朱約山賀生日

鄉有達尊。獲在嫡孫之行。我生初度。誤蒙大老之知。庭實駢羅。使華驚見。共惟某官。世間活佛。天上壽星。乘萬戶如張子房。而壽考遠甚。領諸孫似郭中令。而精神過之。尙憐蒲柳之新姿。分以松椿之餘福。旣受賜矣。細吟香山三十六之詩。何以報之。還祝崆峒千二百之壽。

餽朱約山歲禮

歲無多子。驚爆竹之倏來。盤有五辛。喜屠蘇之未至。時大老萃止繁櫓。喧櫨馬散林鴉。遙傳歲頌。臥龍兔橫盤鯉。聊見鄉風。

回前人餽歲

一壑棲遲。不覺歲年之晚。五雲飛墜。頓生草木之春。分四老之玉塵。起初平之白石。某官陽和着物。壽極當霄。門有垂車。換桃符之新句。庭多戲綵。沸竹爆之驩聲。猶推椒柏之芳馨。散作茅茨之光寵。某肅登嘉貺。祇佩盛心。嘆巷北之榔榆。吾癡未醒。祝樽前之強健。翁醉何妨。

回前人賀生日

富公七十九歲。蹉九老之不如。潘岳三十二年。覺二毛之已見。方揆余之初度。忽惠我以好音。疇昔折輩行之謙。從今悅親戚之話。永爲好也。長歌白雪之章。還以事之。願壽青山之約。

回彭知縣賀生日

潘岳閑居。已覺二毛之見。盧仝破屋。忽驚三印之來。愛之欲生。錫以難老。親戚情話。若是綢繆。宇宙吾生。不勝感慨。矧復贈我。永言好之。讀三星行。誰解嘲於南斗。壽八百歲。尙徼福於彭城。

回太和趙宰賀生日

三載淵明。幸相望於五柳。今年潘岳。覺已見於二毛。懷哉好音。賁我初度。愛之欲其生也。忠焉能勿悔乎。一鶴自隨。約青山於未老。雙鳧何許。感流水之相知。

回太和趙尉賀生日

潘岳閑居。已覺二毛之見。盧仝破屋。忽驚三印之來。爲此大小年之光。異哉神仙尉之寵。錫以難老。愛之欲生。陽春白雪之詞。眞成寡和。流水高山之約。安得相逢。

回胡宣教賀生日

春華如水。驚三紀之流光。夏綠滿園。又一年之初度。方拾薪而煮瀑。姑掘草以供茶。敢意谷虛。有來庭實。

錫之廚珍以起其牢落將之筐厚以申其懃勤門外桑弧自嘆男兒之老里中羊酒敢忘親戚之情。

回蕭子蒼賀造居

東門掃軌方尋歸隱之盟依山結廬聊作奉親之計正辛勤於結構辱折寄於芳馨室虛分塊壘之春庭實委縹紛之貺想兒郎之歡喜共舉草堂謝介使之勤渠寄將梅驛

賀朱太博得祠

楓陸疏榮蘿宮領秩平分風月暫橫綠水之舟寄傲烟霞新入壺天之宇相羊得所進退有階共惟某官一世精英盛年華要春風滿座人知公掞之懷雲谷讀書我得晦翁之樂聞已速夔龍之武未容高鴻鵠之飛某同志有人相期何許臥箕簷谷正尋白水之盟望麻姑山輒致黃冠之賀

送韋主簿成功赴宏詞科

徑辭矮屋前赴大科開五十難以試教官是名上等分十二體以取詞學尤見宏材慶熊魚之得兼觀龍象之第一某冬烘自昔晚歲相期久此妙音不到蓬宮之處看君名第又光杏苑之年

回廬陵趙簿投贊

我輩蓬蒿正堪羅雀美人錦繡上有棲鸞懷哉六謙持此三過某官鳳其翩翩鱗兮振振吹大乙之烟藜歛然特起織天孫之雲錦輝乎相輝有是簿耶自此升矣某細敲白石遙想綠綺看南山之繁惠而好我

穿東郭之履欲往從之

回吉州陳守緯

台州人葉西澗表親大常丞

分牧龍藩此非子坐退耕鶴隴乃得公書紛六轡之光華。薦一塵之榮寵某官照人白雪有脚陽春蒙福。凡十萬家民歌載路薦人至二千石相譜滿門籍甚嘘枯居然起廢某豈堪作吏真足爲氓儻一擊之無他維五雲之在上吟詩自樂退求元亮之心設榻相看徒感陳蕃之意稟酌不敏摧謝未央。

賀前人除福建倉

藩條報政庚節啟綸雲閣森嚴上接神奎之府天困明概下臨須女之虛天啓九遷民爭二竟共惟某官渾金璞玉甘雨祥風家有旂常籍甚東山之名姪身雖朱紫依然太學之儒生蚤騰駿馬於雲霄遂主神螺之風月人懷惠政帝有恩言奪南國之二天遺東甌之一佛常平典在武夷之文獻可尋宰相時來文穆之聲猷孔邇某退耕膝野喜趣曹裝輒持行李之恭庸展塗芝之慶事大夫賢者庶自附於攀轅以我公歸兮將不勝其賀廈其爲頌抃曷竟敷陳

賀劉省元夢薦登科

辛未省第
九人衛教入甲科

蘭宮援穎甲第傳臚過千曰俊過萬曰英人間健筆第一爲魁第九爲弼斗北脩名柯峯翠濕於飛纓泮水清搖於振鐸行徹皋比之席卽歸鸞翻之班某正僻耕寬遂稽箋賀賦雲山之紅樹焉得往從摩石室